

潛江縣志卷之七

知縣事劉煥纂修

邑人朱載震編著

知縣事史致謨續纂

劉連俊校正

饗祀志下

梵刹

道院

梵宮道宇非秩祀也自漢而後其教滋盛崇飾莊嚴至與天闕帝宮埒美俾民日譁張於生滅輪迴之說而卒莫知其所以然而然者而二氏之廬又安得不久存於世與秩祀並垂乎境內寺觀據川原秀麗之區雖金碧交輝亦無腴民崇奉之弊猶有敬而遠之之遺意焉曩潛江縣志卷之七饗祀志下

梵刹

大佛寺 在縣城外西北創自元秦定間吳元年建草

庵洪武元年重修十五年設僧會司於寺中景泰三年重修大佛殿弘治九年建廟厨眾僧共饗十一年建方丈十三年建法堂十四年建山門嘉靖五年建禪堂於法堂後嘉靖二十八年建圓通閣天啟三年

重修康熙二十五年寺僧慧燾募眾重修山門三十年僧慧燾募建韋馱殿於彌勒殿後

浮鐘 嘉靖初年大水破護城隄巨浪中鐘聲隱隱自上流來止於寺門水中如有蠕動形僧駭不敢近尋復有聲探之得鐘置於殿內其鐫文曰大元國湖北道江陵路潛江縣長樂鄉梁王莊土地施主周興旺造大鐘一口捨入本邑陽西廣佛寺延祐二年六月

大常卿王謙記 荆之潛江壽靈山有卧佛禪刹東

潛江縣志

卷之七

饗祀志下

二

臨沔水西對大岳南則龍灣郝穴北則京山蘆溪肇自漢唐以來爲叢林勝處曰幽谷師者爲開山祖始更名曰大佛元經兵燹殿宇頽圯國初設僧會司主之太宗文皇帝時縣尹陳翔李禎相繼修葺其廢推護國禪寺妙惇上人者領其事惇後退居東隱郡侯符公復請居本府圓通未幾退於潛江遂命其徒道瑛道璽於蜀採巨木歸偕今僧會曰妙忻者竭力重建大雄寶殿聚徒千指以闡厥規聖天子改元天順之二年惇發大誓願不謀於眾不干於人以己之衣

鉢詣京師請大藏尊經六千三百五十卷分爲六百三十有八函護以金旛歸鎮山門率其徒朝夕諷誦上祝天子萬壽下祈大眾蕃祉俾一方之人有所皈依瞻仰復勒石徵言圖傳永久介禮部郎中李公慶來請予因與言曰西方之法自入中國愈傳而愈盛者由其立教空虛度門廣大誘人甚速感人甚深而妙惇又能持心堅忍發願宏慈謀事甚遠爲事甚固也若惇之用心使之任職居官從事公家其謀爲必有可觀者焉惇窮歷金陵詢求正教引慈雲於西極

注法雨於東陲茲經流施並日月而無窮斯福遐敷與乾坤而永大俾聖教之無墜庇蒼生於有慶因郎中公請故爲銘記於石著惇輩之用心以勵徒眾保守云銘曰惟荆之陽壽靈鬱蒼中有梵宮勝冠一方龍灣沔洛京蘆大岳東西亘延南北拱卓幽谷開山時寶偉觀宋元多壘農棟摧殘國初起廢爰設僧會慈雲渺漫法雨滂沛修創曰惇心堅志勤發宏誓願集大乘文寶函勝固金旛擁路永奠法筵陰翊皇度朝展夕披祈福祝釐人天交相神物護持剡珉劄記

以敬以勵億萬斯年毋失毋墜

華容黎涪詩 潛水東流賴禹功水環蕭寺亦朝宗  
郊原有路通車馬城郭無山礙鼓鐘佛大比天誰廣  
闊僧閒與月共從容明朝我復趨朝去又隔雲山幾  
萬重

沔陽童承叙詩 旃檀遙憶梵王宮來聽三車演法  
宗日落華筵開上界月明蘭漿擊昏鐘林中樓閣橫  
雲影沙上鷗鳧護水容總爲松蘿更桑梓臨風不發  
意重重

潛江縣志

卷之七

饗祀志下  
梵刹

四

邑侯羅萬象詩 照水孤城百雉迴東籬野色菊花  
開僧知有客焚香待君是何人載酒來爽氣清秋頗  
看劍高才作賦共登臺中原戎馬征夫別無限西風  
唱七哀

邑人張承宇詩 蒲團枯坐起頓使愛心生弱柳遭  
風媚春衣去絮輕池清魚有影草細履無聲來向長  
楊下跣趺聽鳥鳴

邑人朱之佩詩 禮足空王耳目恬伊蒲饌給水精  
鹽闐鐘定後諸天色漚鉢開成佛子蓮了義歸時無

字句選根圓後曷酸甜袈裟未著髭鬚落在在香雲  
繞畫筵

景陵胡承諾詩 高閣出宮牆下人望上方舞衣凝

暮色列燭儼虹光檻外彌花甸樽前接醉鄉君歡卜

銅史聽彼漏聲長

王幼華明府  
招飲圓通閣

常樂寺 在縣西南六十里坦豐坑宋紹興間建

僧靈濟

開基

廣化寺 在縣西南六十里宋淳祐間建

僧海會  
開基

邑人初言詩 初地何年建乘楂偶一遊眠鷗依曲

潛江縣志

卷之七

饗祀志下  
梵刹

五

渚巢鶴穩高邱禮佛殘燈在參禪老衲休市朝歸去

晚香茗洗新愁

白鶴寺 在縣西北八十里宋嘉定間建

僧普定  
開基

明萬

曆八年七月水圯

蓮華寺 在縣南三十里宋淳熙間建

僧善積  
開基

華容黎渚詩 誰能火坑出碧藕誰能陸地開紅蓮

老禪種花比君子百千劫外名猶傳江盤遊龍繞庭

院樹張壁障通原田範金作佛化愚俗躡雲飛蓋來

高賢焚香酌酒暫時坐一鶴沖霄忽飛還

太安寺 在縣北二十里元泰定間建僧靜安開基明弘治十二年重修順治初水圯

龍巢寺 在縣西六十五里宋嘉定間建僧普靜開基

清河寺 在縣南五十里唐武德間建僧道證開基

邑人朱之佩詩 星河欲落赤雲西高柳叢篁響不

齊入夜光深根自靜迎風漏咽聽初淒穿櫺止止虛

僧幌側枕瑯瑯刮膜篔坐久知來孰是幻天霜角曉

粲招提

新洲寺 在縣西十五里策口明天順間知縣呂文因

潛江縣志 卷之七 饗祀志下 梵刹 六

水漲倏成一洲遂創觀音閣以鎮水勢成化九年春

華容學士黎淳更名新洲寺順治初年崩入河遷建

於隄內

華容黎淳詩 邱阜俄生百丈淵果會滄海變桑田

沙填鰲極中藏寺地鑠龍宮下有天琴劍萬千餘里

客帆檣七十二灣船江靈識我題詩意岸草汀花散

滿前

普賢寺 在縣西四十里元至正間建僧普慧開基

白湖寺 在縣西二十五里元至正間建僧安靜開基

二聖寺

在縣西八十里

未詳創  
建時代

萬壽寺

在縣西南二十五里明萬曆初府通判屠炳

然建知縣曹珩邑御史劉寅重修

邑人劉寅記

余觀今之佛教徧於中國而佛寺亦

徧於中國凡所在因地著名種種不同吾縣北去城  
十五里策口有小寺獨曰萬壽寺從來遠矣顧名思  
義豈直爲佛氏設哉蓋聖天子在上百官懽呼萬歲  
祝聖壽也此一寺也構以棲佛若爲無父無君之教  
而萬壽以寺名則有忠君愛國之意矣豈區區空門

潛江縣志

卷之七

饗祀志下  
林利

七

可同日語乎寺久頽敗至萬曆元年癸酉夜汊口隄  
決府別駕屠公承兩院委築詢之父老咸曰非藉神  
力不可公乃遷此寺於夜汊口余施地五畝公爲殿  
奉東嶽神於中後草房一所居佛公往來於此住宿  
久之亦廢萬曆癸巳邑侯曹公爲之鼎建山門余亦  
捐貲修飾東嶽殿今庚子歲余於佛堂復更新之僧  
人給田一井以供贍養此地大江環繞一望平原野  
花芳草四時競秀樵夫牧子日夕謳歌雨中烟樹夜  
半鐘聲囂然於塵俗之外亦夜汊之奇觀也彼挂帆

而過者望之呼曰萬壽絡繹而往者仰之呼曰萬壽  
伏謁而禱者叩之呼曰萬壽夫草莽之間四方之人  
信口稱謂若頌祝者然百姓固日用而不知也古云  
一畝畝不忘君此其暗合之乎且佛氏主於慈悲東嶽  
司乎生命彼神之在天地間猶水之流行於地中無  
在而無乎不在也有其崇之未有不獲應者自有寺  
以來夜汊無洪水之殃鮮旱澇之苦少癘疫之災此  
固徼福於吾君之大造而神之默佑不可謂盡無者  
祭法曰能禦大災則祀之能捍大患則祀之祀之則

潛江縣志

卷之七

饗祀志下  
梵刹

八

寺之也禮固宜耳又何詔之有

南河寺

在縣西楊汭明隆慶初年建

潮音閣

城東河街乾河口萬曆四年建康熙十年隄

決班灣水嚙岸崩十一年移建於泰豐坑內

邑人喻曉詩并序

邑東南隅乾河口乃漢河之津

隆慶初倏生洲阜邑中好事者建閣其上余登覽賦  
一此俾後之人知此閣所由始云 丹閣凌霄倚夕陽

白雲渺渺樹蒼蒼半江沙壅成初地下界閻浮出上  
方月滿中天時擊磬烟生寒渚夜焚香往來湖海孤



舟客卻喜登臨望故鄉

大樂庵 在縣北傍護城隄崇禎九年邑通政劉道隆建

金蓮庵 在縣城南隄外萬曆二十二年建

觀音閣 在縣河東黃漢坑馬伏波祠後萬曆二十八年邑人李鳴建

溥定庵 在南門外康熙十五年建前有放生池

雲慧庵 在縣南四十里張家湖明隆慶五年邑人莫汝嘉建

潛江縣志

卷之七

饗祀志下

九

自在庵 在縣南泰豐坑邑大司寇劉若金建

如如庵 在縣城東乾河口

邑人莫與先募疏 夫薰禪所憩洞谷是名蕩別會心濠濮未遠故熙連禪河聞獻供之旅質多羅樹示迦聚之端所從來矣有淨梵招提如如庵者泔水經其北恩江縈其南對閣譙以開鼓鐘登津筏而背闔闔豈必覓心少室度嶮分雲遮眼白華飛濤別雨者哉頃巨浸溲瀕息壤陲泐演唱則淵蛻入坐施食則梁鷓棲牀涉澤求蹊披榛覓路聽香林之振壑見白

足之濯泥而已常住定恆老上人雲衲久磨霜髭不  
鬢警鐘晨發軟語夜闌身飾芻摩之衣心解杜多之  
業割身奉鬼聞半偈於涅槃賣髓祠天能供養於般  
若將汲引四流周圍五怖波提東度祇夜南翻杖鳴  
秀麓還登說法之堂拂樹香山更對安屈之刹雖然  
椎落藤枯事歸何有果爾恡捐緣起象復胡妨昔之  
遜詢玄交遠潛心訂鉢惠人之芋火逸瓊骨於衡顛  
攀老智之危巢樂醉吟於越水莫不莊衿古帶沐浴  
梭腸啣練冥施破滅底栗烏有棘生愛路療發慳田

潛江縣志

卷之七

饗祀志下  
梵刹

十

鍊蠡銅魚蔑由喚仰者乎固宜乘法唄而會閣嶮接  
天衣而成宰堵千柱蓮花之塢義殿鷗翔由旬紫紺  
之園禪棲卻月檀林春乳沍露珠幢芳洞秋房迴風  
瓔蓋况復條肆斷礎舍羅因緣莖粒銖錙毘耶懽喜  
白骨微塵自悟石頭滑路仍前寂照境中之人鏡空  
堂上之客爰疊貝多之帙摘琉璃之卷證結制者不  
廢五鹽補尊位者亦假開粥茶筍與泚藻同芬杉柏  
共風蘋作響龍鄉嗣其曉照象駕妥以高閑云

崇壽庵

在縣南馬市潭康熙三十二年僧元悅重建

邑人郭春詠詩 蘭若春風清晝長汲泉新煮紫茸  
香遊蜂不解幽尋意繚亂趨衙鬧夕陽

藻月庵 在縣南五十里牛埠坑嘉靖四年邑人謝燧  
建康熙六年邑人朱士尊題額二十八年僧超來重

修

海蓮庵 在返灣三湖順治二年邑人周廷彬建十五  
年水圯康熙三十一年子鄰重修

淨土庵 在縣河東乾河口

紫竹庵 在河東仙人隄康熙二十七年邑人郭耀建

潛江縣志

卷之七

饗祀志下  
梵刹

十一

月波庵 在縣南十里康熙二十二年邑民萬邦官建

度生閣 在縣北荷湖坑崇禎初邑人劉達善建

正果庵 在縣河東曲柳邑太僕歐陽東鳳建順治十

五年隄潰沈為潭

慈慧庵 在縣城南五里康熙二十年邑人郭耀宗建

庵為幽賞園地曲逕清溪松竹環翠臺沼亭館舊址

依然為祇林名勝

景峯庵 在縣北三十里張截港康熙九年僧雄峯募

建

邑人朱士尊募疏 古刹精藍或肇開唐代或創造  
宋元潛封百里內凡數十所而七層浮圖惟古邨埕  
灣有焉用以鎮鎖三澁距太安寺二千肘誌載蘆泐  
寶塔者也隆萬間水嚙陵岸埕亦隨沒因憶那迦邏  
國佛蹟窟東大佛手作浮圖高十丈云此浮圖陷入  
地佛法當滅雖非概四大而何以埕沒之後三澁旬  
芻襄襄比歲唐初太安寺亦遂沈沙泥中旃檀瑞像  
委諸林莽風動沙合游者謝路夫非邑之陽九佛之  
百六乎而或謂佛力浩大蛟龍護持不知佛行化時

潛江縣志

卷之七

饗祀志下  
梵刹

七

龍王瞋恚作大風雨佛僧伽梨表裏通溼劫運所在  
水火有時而王佛法有時而窮然勝蹟不終湮釋教  
不長淪百年之後應有大德名僧轉世作念結信成  
緣構堂殿復勝概與往因合符記予甲午之冬泊舟  
待月父老告予沈埕處並言近有漁人每得甄石上  
有鐫字歲久滅磨不可識豈此埕尚有重興之日乎  
予曰昔後魏時晉處士趙逸過杜子休宅歎曰此中  
朝時太康寺也龍驤將軍王濬平吳後始立此寺本  
有三層浮圖用甄爲之指示故處子休掘驗果得甄

數十萬遂捨宅爲靈應寺所得之輒還爲浮圖人間  
興廢大率如是况神物乎焉知此埵之不重興也歲  
戊申秋忽有真武鑄像一軀從上流來止於茲岸土  
人迎之椽竹誅茅聊蔽風雨禱輒響應庇茲境土佛  
愛招提先遣開山昔之毀於水者今復成於水奇去  
幻來莫測其與有智僧者誓發宏願爰舊址而新規  
之仍開梵唄力繼芳蹤求資境內誚續炊沙其地東  
連漢浦西接鄖襄南通荆監北達景河舟楫停橈之  
區車馬憩息之地學士大夫農工商賈罔不絡繹造

潛江縣志

卷之七

饗祀志下  
梵刹

無而有布金實難聚十爲千持鉢猶易况天方休否  
佛現宰官此日之頽垣斷瓦其卽雕梁粉壁青鏤綺  
疏浮圖高百丈寶鐸聞十里者哉

邑侯劉煥記 潛江距縣治北三十里有鎮曰張截

港俯漢水之濱爲荆郢襄鄂縮轂之區而魚鹽商舶  
聚集之所也先年禁旅討逆戰艦絡繹江干芻茭輓  
運居民力不能支市幾爲墟邇來

聖天子德被遐荒各上憲休養生息全楚凋瘵頓起此  
村野聚落亦皆流亡復業煙火薨薨不減五都之市

其市之巽方舊有草庵一區以祀真武藤瓦華門僅蔽風雨土人救生之不暇尚能議宏廟宇乎康熙九年春有雄峯上人者與其徒默持雲遊經行斯地見殿宇湫隘發弘願力毅然任式廓之塌駐慈雲披除忍草敦請邑紳朱石戶先生草疏募化先成瓦殿三楹丹堊金碧非復向之一把蓋頭茅矣方思增飾而雄峯隻履西歸默持念師志之未竟再募於四方薦紳檀護咸鑒其誠愨法施財施源源踵至默持庀材鳩工陶土冶鐵日不笠雨不蓑爨伊蒲犒執蕪不數

潛江縣志

卷之七

饗祀志下  
林凡利

古

易春秋遂成大雄殿三楹毘盧閣三楹以及三身寶座千佛慈容無不具備功成石戶翁顏其額曰景峯庵門外之定水常清上方之月輪自滿粥鼓鐘魚時聞梵響無論赤髭白足之侶樂此化城卽秉旄之達官探勝之名宿亦皆解轡維舟留連淨域以釋塵煩默持復取其三衣一鉢之餘銖黍而積之次第置名田數十餘畝以供往來僧雛參學之士遂可飽坐安禪無煩乞舍衛之食矣余夙膺

簡命來蒞潛邑每以公事走張截港卽憩庵中鞅掌勞

人聊偷竹院晷刻之閑一日問菴之緣起默持具對  
余聞之起而歎曰彼釋子之祖庭非卽吾儒之宮牆  
乎釋子之師徒非卽吾儒之父子乎釋子之大眾非  
卽吾儒之朋友乎夫吾儒奉先師之教入其闕者  
立致通顯見黷序之傾頽聖學之湮沒鮮能修復而  
倡明之者視釋子之勞胼胝聚資財崇隆其浮圖而  
夸大其象教者何如耶幹蠱之文式穀之什此吾儒  
所家知而戶曉者然問有生能竭力殫能盡禮承先  
緒而善讀父書者千百之中或難十一僂指也視釋

潛江縣志

卷之七

饗祀志下  
梵刹

五

子之崇信其師囊瓢負衲跬步不離燈燈相續畢世  
守其說而不敢移者何如耶吾儒朋友一道往往以  
契密而凶終金蘭而隙末視釋子之不別貧富不分  
人我合天下如一父之子粒米不私施不任德受不  
任感者何如耶此釋氏之徒崇其教而躬行者反勝  
於吾儒而余於默持不禁其感而有取也景峯之功  
德已成默持之願力已畢所望後之僧徒不存我相  
不立房頭俾此方丈十笏地凡湖海善知識皆可居  
之結制開堂永爲叢林法席庶不負雄峯默持三十

年頭陀苦行矣至潛邑田土例有夫徭今默持接眾  
福田不欲與濁界疆理同應力役之征爰命豁其夫  
役默持復言郡司馬莆田鄭公昔攝潛篆時亦有豁  
免之諭仁心仁政先得我心之所同然所慮者歲月  
寢久豪猾之徒去其故籍奸弊叢生默持因礪片石  
請余紀其始末以垂永永至田畝之多寡經界之抵  
止豁除之案牘列在碑陰可攷也

法雲社

在縣河東岸明嘉靖三十七年僧濟空創建  
圯於水崇禎五年僧戒敦重建康熙十二年復爲水

潛江縣志

卷之七

饗祀志下  
梵刹

六

廢十四年僧常維重建

邑人歐陽烝募疏

天台大師曰欲安三種三昧必

須善地善地有三一深山遠谷二頭陀抖擻三蘭若  
伽藍夫佛子旣成道之後一切宮室飲食衣服皆其  
法力所現而時在薰修則必緣境起情因情移境神  
聖以此在囿引化不可得而易也邑中古刹禪堂久  
湮諸釋子祇能了有爲法所謂威儀整齊器鉢無聲  
者阿闍示現而四方高衲亦且望枝棲如竹影豈前  
此遂無一二志於道者與抑無開發微悟而使然與



亦憚其煩難知其不能爲而遂不之爲與今比邱通如夙有願力慨然約合緇素輩締社追匡山故事於河之東岸闢草壘土欲爲閣爲殿爲堂爲藏爲佛像爲廚爲庫爲鐘鼓樓爲山門爲路爲渡期以次第有成猶疑此非獨力所能贍也徧就高門懸簿而叩焉嘗計人間世不過閑忙兩地名利忙地也公則爲朝市私則爲田廬井宅極生平之力以營之而尺寸不得捐彼我莫肯相爲也僧之處地則閑在世外人無肯輕就而寶一切妒恚所不及精舍祇林每合眾志

眾力以成而猶恐後我也閒者不能代忙者易其苦而忙者反爲閒者助之適是遵何義哉意以爲朝市之中道所不止也聚茲大眾而居之閒地必將有有意乎道者焉聚有意乎道者而居之閒地必將有有得乎道者焉在世法則世喪道久矣何幸而遇其人在佛法則一人發真歸元十方世界悉爲淨土是固朝市田廬井宅所以銷歸真實而人我爭奪所以平也此區區者尚何容惜乎至若今日以邑中待興之曠舉而通如首倡其議諸檀越相與共了其局而不

佞又以言懲懲其間則茲一事種種功德始者終者  
力者才者言者爲僧爲俗爲男爲女爲本土爲異邦  
咸有因緣不可思議所期力破慳貪構思希有而施  
之多寡蓋無論也昔西國有佛鉢貧者以少華投中  
便滿富人以多華供養正復百千萬斛終亦不滿此  
固我佛平等觀而施者之因若想也

邑人劉昌吉序 自漢興西方佛入中國國王大臣  
其國有大祲則以其姓名自賣佛寺以厭之其時亦  
有爲言者然逞多以此獲福報又久則許諸王諸公

潛江縣志

卷之七

饗祀志下  
梵刹

六

侯以下民間各立菴事佛至社事之興則始自諸好  
學善屬文弟子或諸朝臣放廢後長者富人自感生  
平無狀心身口業未除老而好空其名抑好爲醉餘  
逃禪其實際則似不無慚沮也而一時老措大則謗  
稱兼半夫稱佛固無裨益佛謗佛亦所以廣大佛佛  
固不顛向愚頑老信人說法甚矣韓昌黎燒佛一書  
何詎不爲後世道學家功臣迺其遷潮陽以還渡海  
必禱過神祠必下拜致祭去卽其與大顛辨佛骨一  
書儒者或不信然上古往今之文抑何辯著也又無

以則陶靖節遠公社事又無以則宋蘇端明佛印還  
往辯說間夫靖節膜拜遠公卽以爲歡喜作佛事昌  
黎千古孔孟家人何先後懸殊也乃有謂昌黎先後  
絕無懸殊者其燒佛一書卽可與禱海拜神祠諸文  
相表裏端明則千古學士大夫畏愛一人則今試取  
其書詳之間人生平大要無過父母與其身生死之  
際端明事其母太夫人必捨其簪珥衣服資其冥福  
其易簀一命則必勅其子以西方阿彌陀佛一畫像  
殉乃後世猶有謂蘇謝社中無真實義者噫嘻佛亦

安能徹兩輪日月功徧諸四大爲茲大心凡夫日夜  
放峩山天半光散海潮燈相與拳拳諮告哉夫志節  
文章聰察知辯不古人而競排詆古人事佛僅以爲  
文字讀卽謗亦未有如古人善謗者夫是不亦可以  
已乎無已且姑試數年力枯心斷髯其間觀其所以  
爲佛者何爲而後稱謗佛未晚也梁皇非事佛亦安  
能以弑殺篡奪之一人主於五代十數年中獨享國  
長久獨老壽也哉況其所爲報梁者則必以餓業償  
其餓死沿海之數百萬人以太子綜償其先朝革命

人主至寶卷侯尉生死同時其施報又何的歷不爽也夫後儒未有不嘖嘖梁皇者豈厯厯陽節一論臺城不救一案遂足謬佛報哉余潛古楚事佛國也今茲大社肇成佛恩載啟以通公之真實堅固脈公之知識圓通而復有大檀主如歐陽湘茹李筠城左右之卽今讀其所著社約已可想見其神明證嚮之一端其一時社中諸子咸以大歡喜精進心內向其最大者以大家門戶材人長齋修課又其甚者英年秀質至青精鹽酪不以御而一時行大士竝克弘普賢

潛江縣志

卷之七

饗祀志下  
荒刹

三

大願種種莊嚴夫是可謂非今日之潮海峩峩白蓮花放大車輪光時哉願其各自距踴三百其悉心瞻禮不惜諸眼花中所有俾久永此護持道場無有怠邑侯王又旦詩 我遇已可知我懷屢驚魘陋巷應吾分一官夙所忝時窮始任數憂來恆自檢星緯諸家言奉之豈敢貶厥生本在巽躔次屬瑕玷占日撓于風枝葉合摩颭勞形豈遑恤飄零懼有漸澤國比年饑官舍食常歉奮飛知無能戢翼更退斂大師號不羈千里來自剡憑軾談浮屠夜鬼畏語險我欲從

子遊薰蕕宜共染低檐曝魴鯉晴淑摘菱芡開篋繙  
三車高坐端且儼永言絕攀拘莫之或辱點我馬時  
當秣我舟時當剡東望指海岳西去念關陝雨荒隴  
中禾草上崖頭广兩端互攢觸日月甘荏苒

邑人劉璿詩 棲山何必選山棲拜佛何必見佛拜  
一鍼一縷有來處一刹一塵無邊界雞午鳴鐘雞亦  
呼龍晨洗鉢龍先怪舌業豈必盡鬼封聲緣是處皆  
佛債衣生寶樹宏七覺座踊芳蓮聞八解山空鬼哭  
天然二峯漢水沱江權析派我來古德上堂時千二百

潛江縣志

卷之七

饗祀志下  
梵刹

三

眾神光灑須臾殿上法鼓鳴盡虛空際天人屈海岸  
流香雜霧煙葉覆金沙色無敗頰頤齊稷分行次整  
暇秘密警先懈四座羣指不聞喧有意無聲交相勸  
問誰簸簸涕橫生光在隙間露在薤髮塢喜圍咫尺  
間肯令嘉種纒萸稗我夙有懷今拜師我觀受我拜  
者爲癩疥

邑人朱士尊詩 文字緣中間佛胎閑移幢節到蜂  
臺雲生樹杪皆香篆閣俯河流有渡杯禮樂在堂思  
太古鬚眉于我識重來玉毫發處迷方照無量花枝

次第開 東林慧叟自梯航曾許淵明索酒嘗

是日遲大

岸不至

梵唄聲高羣鳥寂 鑪烟晝散百花香 天琴觸夜

安獅子海水騰波拜象王 欲藉祇園春廣大 六時作

禮白雲牀

邑人朱載震詩 層林披烟靄 河流帶郭明 招提臨

彼岸梵放度遠聲 幽徑草茸茸 苦竹籬邊萌階空 雲

影淡境闐聽 覩清繩牀振錫立 龍象此經行 心淨參

白業寒光徧 水精竭來第一義 蹴蹋濟奔嶽 我生

未學道 進退嬰世網 習苦豈性成 幽棲幸能養 夙聞

潛江縣志 卷之七

饗祀志下 梵刹

三

人天際淵泊自深廣大 智見水月愚者終塵壤 浮雲

塞寶幢獅座擎一掌 爲說雙林諦春雲 萬壑朗閒心

付卧輪靜觀菩提長 靈籟此俱寂 輕風高柳響

無學菴 在縣東南四十里總口康熙十五年邑人朱

士尊建

華嚴菴 在縣東南總口康熙元年建

印心菴 在縣東南四十五里江汊坑邑人劉肇國建

康熙十五年子劉旻重修

鎮樂菴 在縣北三十里張嶽港崇禎十年邑人朱之

王建火燬康熙十五年朱士尊重建

青蓮菴

在鄉林垸劉申口崇禎四年邑人周廷彬建

福慧菴

在縣河東楊家嘴康熙十年邑民劉長裕建

海嶽菴

在縣南四十里平濫垸康熙三十一年邑民

朱登鳳建

### 道院

妙庭觀

一名通明觀在縣治東北隅元時創舊志李

司空記云肇自晉宋羅刺史記云創自五代蓋指舊

縣爲言歷兵燹後無考明洪武初道士曾師明再建

潛江縣志

卷之七

饗祀志下  
道院

三

十五年設道會司於觀內仍創三清殿景泰三年道  
會胡道可重建天順八年道會宋弘仙重建玉皇閣  
四聖殿成化七年建鐘鼓樓兩廊及元真堂以爲習  
儀之所堂後建法堂弘治二年俱燬八年弘仙督道  
士陳仁璋重修正德十四年道士王仁現改建玉皇  
閣爲蓬萊閣萬曆二十八年道士王通睿重修元帝  
祠三間累石爲臺高丈餘

工部侍郎李浩記

潛江縣妙庭觀粵自晉宋以來

梅隱性齋開創至我國朝初野雲樂善處士始遷於

縣治之東度地之形勢山環水繞不啻蓬萊仙境之  
若也邇者三清殿宇年久傾壞住持郭道源設心鼎  
創惜乎天不假之以年弛而未立前道會吳道可偕  
今道會宋弘仙住持李弘倫輩議疏徧謁多方得金  
銀布帛菽穀之物付木工胡叔紀鳩而新之經始於  
景泰癸酉春落成於甲戌歲首弘倫乃詣京師請予  
爲記潛江與吾郢接壤妙庭山舊號通明觀爲潛陽  
琳宮第一前有石橋書院後有白鶴樓洛江古渡環  
於左邑治據於右卉木蔥青烟霞縹緲仙流道侶清  
繼者尚益新之以垂不朽云

吉安羅善記

潛江在江漢間禹治水荊州曰沱潛

旣道卽其地也四無山阜曠然平地沱潛之水環繞  
合流於其下縣治在焉距縣治東南數百武曰妙庭  
觀舊名通明觀相傳肇建於五代晉漢時迄今數百  
載矣世更代易屢興屢廢我皇明道會吳道可去其  
舊宇建三清殿規制頗宏大正統景泰間荆門宋弘



仙學道於此持心顚靜戒行清潔爲羽流之翹楚以其名舉於有司達於天官考中遂拜命爲道會官日久不遑寔處謀於道侶何弘儉輩汲汲焉以修建爲急務弘仙茹素淡服粗惡不憚劬勞以謁近遠檀那及四方往來好事者捐貲施財不計多寡日積月累久之乃有獲於是購材木陶瓦甃筮吉日命良工師大興修建之功殿之後建通明寶閣範金肖玉皇像以崇祀閣之後建元真堂以延宦客堂之後爲宴居以藏修建鐘鼓樓於殿東西以鳴昏曉建中儀門以

潛江縣志

卷之七

饗祀志下  
道院

三五

通內外建大門以臨通衢以至道僚之室庖湏之所靡不完備丹漆粉飾藻繪五彩輝煌掩映霞綺金像莊嚴儼乎如在而又繚以周垣蔽以竹樹使人望焉不啻如蓬萊閬苑在咫尺間其棟宇崢嶸規模廣遠前此未之有也仰荷親藩衡陽王賜宸翰書匾以揭于楣誠足以夸當時而傳後世其光榮不亦大矣乎是觀也豈徒爲老子之宮於斯上祝皇圖之鞏固下祈生民之福利於悠久也稽諸觀之初建梅隱性齋其徒野雲樂善處士今之集其大成者道會宋弘仙

也縣侯廬陵周公視事於此觀其成功深嘉贊之命  
弘仙請予記其事之顛末俾勒石以垂永久閣建於  
天順八年門建於成化七年鐘鼓樓建於成化十一  
年記作於是冬也

漢川王諫詩 通明殿上列仙官鸞鶴朝元振佩環  
甲子已聞超劫外蓬萊應只在人間三花樹底清風  
轉五粒松間白日閒欲訪真仙拂塵土茅山東望妙  
庭山

皖江李楫詩 飛觀凌雲雲盪胸水漫郊邑駐孤蹤

潛江縣志

卷之七

饗祀志下  
道院

三

晦冥風雨邨巢鳳流落江湖此卧龍鄭俠有圖登魏  
闕時以災  
疏故及禹功何日奠堯封懷鄉去國無窮意幾度

蓬萊閣上鐘

邑侯黃學準詩 漢水周環百尺樓塵踪竟日此淹

留牛橫牧笛雲生隴艇卧漁蓑月映洲吟院碁聲驚  
鶴夢石壇幡影逐人游憑高忽憶莼鱸味綠樹微涼

正報秋

邑人喻曉詩 閒登高閣入層霄目極煙雲萬里遙  
江上漁人來舉網岩前仙子坐吹簫應憐清景紅塵

遠卻歎浮生白髮飄往事覺來渾似夢但將醒眼看  
回湖

邑人劉垓詩 空中樓閣隱雲窩爲避炎蒸載酒過  
望去山川連紫極摘來星斗控銀河檻前影挂三江  
棹天外香分十丈荷剩欲凌風飛且住杏壇誰與赤  
松多

元真觀 在縣城南二里明正德十四年道士李通慶  
募建嘉靖二年水圯道士劉地載重修萬曆二十八  
年知縣潘之祥移三元閣改建元真閣殿後玉皇閣

潛江縣志

卷之七

饗祀志下  
道院

三

燬於火康熙二十六年邑人朱士尊重建道士李功  
應督修 觀門左普濟橋明弘治初建歲久傾圮康

熙三十一年道士王高詮重修橋西古樹二株枝相  
糾錯其下連根亦觀中巨觀

學使蔡潮詩 千里平湖見此樓孤帆暫爲夕陽留  
禾登高壘雲連野鷺下晴空雪點洲羽客候門疑好  
事萍踪隨寓記曾遊羈懷觸物能生感落葉歸鴻一

片秋

邑侯黃學準詩

何代琳宮楚水顛名公會此纒清

遊穿花聽鳥人人得背郭臨邱事事幽一宦忽驚千里別六年無假片辭留不堪回首成塵跡日暮雲生

杜若洲

忠義廟 在鄉林垸阮家灣順治十五年邑人周廷彬建廟東有周氏家祠

長春宮 在縣南二里邑人劉柱國建

真武廟 在鄉林垸周家磯明天啟四年邑人周廷彬建

岱宗廟 在縣北四十里趙林垸明崇禎元年邑民朱

潛江縣志

卷之七

饗祀志下  
道院

三

希顏建康熙三十年孫朱國柱重修

馬新息侯廟 在縣東北二十里邈邈垸與景陵縣分界元末年建